

Azkenez esan eutsan
«Jaunak nai izan dau,
Gaur zure birtutea
Peru ondo probau,
Bere Probidentzia
Egizu alabau,
Berak oi gaitu bada

Guztiok gobernau,
Beragaitik dirau,
Ta dabil mundu au,
Berak ekarri nau,
Estutasun onetan
Zaidazan anparau.»

FELIPE DE ARRESE Y BEITIA.

MARIARI BERE SORRERA GARBIAN.

Andra aundi bat
Zara munduan,
Barriz Zeruan
Erregiña,
Jaungoiko batek
Dontzella ta Ama
Mirari batez
Zu egiña.

Grazia danaz
Zara jantzia,
¡O zu Maria!
Edertoen,
Goiseko izar
Argia zara,
Poz-gei bakarra
Gizonaren.

Testamentuko
Zara kuchia,
Jazar-aulkia
Salomonen,
Bake-ostarku
Baita zara zu
Sasi ez dana
Suz erretzen.

Joseren zigor
Loraz josia,
Ate ichia
Erruari,
Zara sorreran
Asieratik,
Burua ausia
Luziferri.

FELIPE DE ARRESE Y BEITIA